



# SANTO-ESTELLO

Lou Felibrige s'acampara aquest an à La Roco-Brou en Cantalés pèr Pandecousto...

# Prouvènço d'aro

Tóuti li mes, lou journau de la Prouvènço d'aro

Mai de 2015

n° 310

2,10 €

## Ensignamen di lengo regiounalo

Emé la reformo anunciado di coulège, li lengo regiounalo èron cantounado is ensinamen pratique interdisciplinari, uno ouro semaniero. Dins un segound tèms, lou menistèri a anuncia que li lengo regiounalo poudrien èstre ensinado, sus li mejan dis establiment, en coumplemen dis Ensignamen pratique interdisciplinari, uno ouro en 5enco e dos ouro en 4enco e 3enco.

Sian bèn luen de la lèi d'orientacion e de refoundacion dis escolo qu'en juliet de 2013 establissié dins la lèi de pratico pedagogico d'ensinamen di lengo regiounalo meso en obro despièi de decenio dins l'Educacion nacionalo.

De delai l'interès pedagogic di pratico interdisciplinari, quente ensinamen linguisti sara prepausa is escolan, em'uno ouro mesadiero en interdisciplinari ?

Quènti mejan auran lis establiment pèr prepausa aquel ensinamen d'uno ouro en 5enco, pièi de dos ouro en 4enco e 5enco, s'acò se dèu faire sus sa proprio doutacion ouràri ?

De que n'en sara dins aquéli coundicion de l'ensinamen linguistic e noun-linguisti prepausa dins l'encastre di seicoun bilengo lengo regiounalo: quènti mejan, quento countinuèta saran garanti ?

Es adounc indispensable de garanti l'ensinamen di lengo regiounalo bono-di à-n-uno doutacion especifico is establiment.

Parié, fau garanti la duberturo d'aquel ensinamen tre la 6enco, pèr assegura la countinuèta de l'ensinamen de la lengo regiounalo entre lou primari e lou segoundari, e reveni tre la debuto dóu coulège à-n-uno ouràri semanié sufisènt.

Li prouffessor de lengo vivènto regiounalo ensinon la maje part dóu tèms dos disciplino, o dins plusiours establiment: sarié inamessible que soun tèms de service siegue parteja entre l'ensinamen de sa valènço, o soun service dins plusiours establiment, e lis EPI (Ensignamen pratique interdisciplinari). De que n'en sarié alor de l'ensinamen di lengo regiounalo ? Lis EPI dèvon veni unicamen en coumplemen de l'ensinamen di lengo vivènto regiounalo.

Fau refusa que l'ensinamen di lengo regiounalo desaparisse en tant que disciplino emé la reformo dóu coulège e demanda lou mantèn e l'ameiouracion di coundicion d'aquel ensinamen.

Pèr acò fau signa lèu lèu la peticion en ligno sus internet. <http://petitionpublique.fr/PeticaoVer.aspx?pi=P2015N47607>

## Proso de Frederi Mistral



### Rajado d'escrituro dins lou mourtié dóu journau "L'Aiòli"

Aquéu recuei dis article escri pèr Frederi Mistral dins soun journau "L'Aiòli", Bernat Giély l'a mounta pèr permetre uno leituro mai eisado d'aquélis obro particuliero dins li 324 numerò d'aquéu journau venerable.

Ajuda pèr lou travai de baso dóu Cèntr Internacionau de l'Escrit en Lengo d'Oc qu'avié assegura la numerisacion d'aquéli tèste de "L'Aiòli", Bernat Giély a destousca Frederi Mistral soute

touto meno d'escais-noum e rèn leissa escapa. Es tout vist que Mistral a tapa de trauc emé d'uni de sis escrit deja publica dins lis Armana Prouvençau vo dins sis obro literari, mai li falié garda repertouria coume lis autre, pèr numerò de parucion pèr èstre coumplèt. Ansin manco pas rèn.

De la recouneissènço de caratèr sus l'empresion papié, enjusqu'i noumbrusi releituro d'aquéli 600 pajo, a faugu de tèms e de mounde. D'uni d'aquéli Mistralen fer-

verous que se soun presta à-n-aquéu travai fastigous an bèn vougu baia soun avejaire à caud après sa releituro e nous revèlon d'avanço qu'aquelo obro journalistico de Frederi Mistral es clafido de descuberto, acò dins la prefaci de Tricio Dupuy, presidènto dóu C.I.E.L. d'Oc coume dins lou pourtissoun dóu Majourau Jan-Marc Courbet sus "Mistral journalisto" e bèn-segur l'avansprepaus de Bernat Giély. Rèn que de journalisto en lengo nostro que mantènon

mes à cha mes l'eiretage mistralen dins li coulouno d'aquelo publicacion de prèss "Prouvènço d'aro" e qu'an trouba aqui la clau d'uno ome e d'uno obro en soun tèms.

Tricio Dupuy

**Rajado d'escrituro** dins lou mourtié dóu journau "L'Aiòli" de Frederi Mistral. Un libre de **678** pajo au fourmat 14x21. Costo 23 eurò (+ port 5 eurò) De coumanda devers: Edicion Prouvenço d'aro. Tricio Dupuy 18, avenue de Beyrouth 13009 Marseille

### Un novèu Museon

De chausi entre lou Museon arlaten e lou de l'Istòri de l'inmigracion...

Pajo 6

### Lou journau d'uno travessado

Es lou raconte d'un long viage en mar dins un batèu mouderne...

Pajo 7

### Manifestacion pèr la lengo d'oc

Lou 24 d'òutobre tóuti lis apareire de la lengo saren à Mount-Pelié...

Pajo 2